

ХОЁРДУГААР БҮЛЭГ

ЖАГСААЛЫН АЖИЛЛАГАА, ХӨДӨЛГӨӨН

Зэвсэггүй жагсах үеийн жагсаалын ажиллагаа, хөдөлгөөн

Жагсаалын зогсолт

27. Цэргийн алба хаагчид **“ЖАГС”** командаар түргэн жагсаж, **“НОМХОН”** командаар жагсаалын үндсэн зогсолт /Зураг 1 “а”/-д шилжинэ.

27.1. **“НОМХОН”** командаар цэргийн алба хаагчид өсгийгөө нийлүүлэн, өлмийн хооронд гутлын улны өргөний хэмжээтэй завсар авч, өлмийгөө зэрэгцүүлэн, бие эгц, хараа цэх, өвдөг шулуун зогсоно. Цээж гарган, их биеийг ялимгүй урагшлуулж, гэдсийг татан, мөрийг тэлнэ. Гарыг доош чөлөөтэй унжуулан, гарын алгыг дотогш харуулан атгаж, гуяны дунд хэсэгт байлган, толгойг эгц, чигээрээ харж, дараагийн ажиллагааг биелүүлэхэд бэлэн болно.

27.2. **Гарын атгалт-4** хурууг дотогш гүйцэт нугалж, эрхийн хурууны өндгөөр долоовор хурууны дунд үений дээрээс дарсан байна.

27.3. Цэргийн алба хаагч Төрийн дуулал эгшиглэх, цэргийн ёслол гүйцэтгэх, тушаал өгөх буюу авах, илтгэл өгөх үед байран дээрээ командгүйгээр жагсаалын үндсэн зогсолтод шилжинэ.

28. **“БОЛНО”** команд биелүүлэх:

28.1. Офицер, ахлагч, түрүүч, байлдагч нар цэргийн сургалт, бэлтгэлийн үед хээрийн хувцастай жагссан бол **“БОЛНО”** командаар байран дээрээ зүүн хөлийг мөрний хэмжээтэй салгаж, хоёр гараа ардаа авч, зүүн гараар баруун гарын алганы араас атгаж, биеийн жинг хоёр хөл дээрээ тэнцүүлэн, мөр тэнийлгэж, цэх зогсоно. /зураг 1 “б”, “в”/.

28.2. Захирагч, дарга нар ёсолгоог буулгаж, бууг цээжинд авсан бүрэлдэхүүн онгоц модноос барьсан зүүн гарыг доош буулгаж, тугийн ишийг газарт буулгана.

28.3. Ёслолын ба хүндэтгэлийн ажиллагаа, ангийн нэгдсэн ба оройн тооллогоны үед **“БОЛНО”** командаар офицер, ахлагч, түрүүч, байлдагч нар байран дээр, хөл салгахгүй, хоёр гар шулуун, биеийн жинг хоёр хөл дээрээ тэнцүүлэн, хөлийг ээлжлэн сойж, цэх зогсоно. **“Номхон”** командаар жагсаалын үндсэн зогсолтод шилжинэ. /зураг 1 “г”/.

28.4. Цэргийн ёслолын ажиллагаанд хээрийн хувцастай оролцож байгаа анги, салбар **“БОЛНО”** командаар 28.3-т заасныг баримтална.

29. **“АНХААР хувцас ЗАС”** командаар үндсэн зогсолтод шилжиж, байран дээрээ зэвсэг, хувцас хэрэглэлийг засна. **“ДУУСГА”** командаар байран дээр биеийн жинг хоёр хөл дээр тэнцүүлэн мөр тэнийлгэж, бие эгцлэн, **“БОЛНО”** командад шилжинэ.

30. **“СУЛ ЗОГС”** командаар, байран дээр **“БОЛНО”** командад шилжих ба нам дуугаар ярилцахыг зөвшөөрнө.

Жагсаалаас гарах шаардлагатай бол жагсаал командалж байгаа захирагч /дарга/-аас зөвшөөрөл авна.

31. Малгай авахуулахад **“Малгай-АВ”**, өмсүүлэхэд **“Малгай-ӨМС”** команд өгнө. Малгайг баруун гараар авч, зүүн гарын тохойг нугалан шуун дээр тавьж, тэмдгийг урагш харуулан барина /Зураг 2 а, б, в/.

Бууг “Оосорт”, “Цээжинд”, “Хөлд” авсан цэргийн алба хаагч, хөгжимтэй жагссан цэргийн хөгжимчид малгайг зүүн гараар авч, өмсөнө.

БАЙРАН ДЭЭРХ ЭРГЭЛТ

32. Байран дээрх эргэлтийг “Баруун /зүүн/ тийш-ЭРГЭ”, “ЭРГЭ” командаар гүйцэтгэнэ.

Эргэх болон зүүн тийш эргэлтийг зүүн хөлийн өсгий, баруун хөлийн өлмий дээр зүүн гар тийш, баруун тийш эргэлтийг баруун хөлийн өсгий, зүүн хөлийн өлмий дээр баруун гар тийш тус тус гүйцэтгэнэ.

Эргэлтийг гүйцэтгэхдээ их биеийн цэх байдлыг алдалгүй, хөлөө өвдгөөр нь нугалахгүй биеийн жинг зүүн хөл дээрээ шилжүүлэн эргэж, нөгөө хөлөө дөт замаар татаж хавсарна. Эргэлтийн үед гарыг биеэс салгахгүй.



а.

Зураг 1. Жагсаалын үндсэн зогсолт



б.



в.

Зураг 1. “БОЛНО” командаар зогсох байдал



Зураг 2. Малгай авсан байдал

а.Албаны саравчтай малгай

б.Хээрийн малгай

ХӨДӨЛГӨӨН

33. Хөдөлгөөнийг алхаагаар, эсхүл гүйлтээр үйлдэнэ. Алхалтын хурд минутад 114-116 алхам, алхамын хэмжээ 60-70 см, гүйлтийн хурд минутад 165-180 алхам, гүйлтийн хэмжээ 80-90 см байна.

33.1. Алхааг жагсаалын ба аяны гэж ангилна.

Жагсаалын алхааг анги, салбарууд ёслол ба хүндэтгэлийн ажиллагаанд оролцох, цэргийн алба хаагч жагсаалаас гарах, даргад очих ба буцах, жагсаалд орох, тэрчлэн жагсаалын бэлтгэлийн үед хэрэглэнэ.

33.2. Ёслолын жагсаалаар явах үед алхалтын хурд минутад 116-118 алхам, алхамын хэмжээ 55-65 см байна.

33.3. Аяны алхааг дээр дурдсанаас бусад тохиолдолд хэрэглэнэ. Хол зайд **газар орныг туулах үед чөлөөтэй алхаж** болно.

34. Жагсаалын алхааг **“Жагсаалын алхаагаар алхаад-МАРШ”** командаар эхэлнэ. Анхааруулах командаар биеийг бага зэрэг урагш болгон биеийн жинг баруун хөл дээр шилжүүлэн тэнцвэрийг хадгалж, гүйцэтгэх командаар бие цэх, зүүн хөлөөр бүтэн алхаж хөдөлгөөнийг эхлүүлнэ.

Жагсаалын алхаагаар алхахдаа хөл эгц, өлмийг жийж, газраас дээш 15-20 см өргөж, улаар нь газарт бүтэн тавих ба гарыг гэдрэг хагас хажуу тийш, 45° хүртэл өнцгөөр чөлөөтэй хаялж явна.

Гар хаялахдаа тохойг нугалж, хагас атгасан гарыг бүсний арлаас дээш атгасан гарын хэмжээтэй биенээс урагш алга дарам зайтай байхаар тогтоон барьж, гэдрэг нь мөрний үенд тултал хаялна. Тохойг атгасан гарын түвшинд өргөж, чигээрээ харж алхана /Зураг 3/.

35. Аяны алхааг **“Алхаад-МАРШ”** командаар эхэлнэ. Энэ командаар эхний 2-3 алхмыг жагсаалын алхаагаар алхаж, цаашид ердийн алхаанд шилжин гар чөлөөтэй хаялан явна. Аяны алхаагаар алхах үед **“АНХААР”, “НОМХОН”** команд өгөх буюу тасаг, салаа, салбарын нэр заах үед жагсаалын алхаанд

шилжинэ. **“АНХААР”** командыг зөвхөн **“ЗОГС”** командын өмнө өгнө.

“НОМХОН, Зэрэгц-БАРУУН ТИЙШ / ЗҮҮН ТИЙШ, ДУНДАА” команд өгсөн үед гар хаялахгүй.

36. Гүйлтийг **“Гүйгээд-МАРШ”** командаар эхлэх бөгөөд биеийг ялимгүй урагш болгон хоёр гарыг хагас нугалж, тохойг бага зэрэг гэдрэг татна. Гүйцэтгэх командаар зүүн хөлөөс гүйлтийг эхэлнэ. Гүйлтээс алхаанд шилжихэд **“Алхаад-МАРШ”** команд өгнө.

37. Байран дээрх алхааг **“Дороо алхаад-МАРШ”**, командаар эхлүүлнэ. **“ЧИГЭЭРЭЭ”** командыг зүүн хөлийг газар тавьмагц өгөх бөгөөд баруун хөлөө байран дээрээ нэг алхаж, зүүн



Зураг 3.
Жагсаалын
алхаагаар алхах
байдал

хөлөөс эхлэн бүтэн алхаж хөдөлгөөнийг эхэлнэ.

Энэ үед эхний 2-3 алхамыг жагсаалын алхаагаар гүйцэтгэнэ /Зураг 4/.



Зураг 4. Дороо алхах байдал

38. Хөдөлгөөнийг зогсоохын тулд **“Байлдагч-ЗОГС”** команд өгнө. Гүйцэтгэх командаас хойш дахин нэг алхаж, хөл хавсран жагсаалын үндсэн зогсолтод шилжинэ.

39. Хөдөлгөөний хурдыг өөрчлөхийн тулд **АЛХААД- марш** эсвэл **ГҮЙГЭЭД-марш** команд өгнө.

40. Цэргийн алба хаагчийг хажуу тийш шилжүүлэх, урагш буюу гэдрэг алхуулахын тулд алхмын тоог зааж, дараах командыг өгнө: **“Байлдагч баруун /зүүн/ тийш хоёр алхаад -МАРШ”**. Энэ командаар цэргийн алба хаагч алхам бүрийн дараа хөл хавсран баруун /зүүн/ тийш хоёр алхана.

Урагш буюу гэдрэг алхуулахын тулд **“Гурав алхаад-МАРШ”** буюу **“Гэдрэг хоёр алхаад-МАРШ”** команд өгнө. Энэ командаар хөдөлгөөнийг зүүн хөлөөс эхэлнэ. Баруун /зүүн/ тийш, гэдрэг алхахдаа гар хаялахгүй.

ЯВДАЛ ДУНД ЭРГЭХ

41. Явдал дунд эргэлтийг **“Баруун /зүүн/ тийш -ЭРГЭ”**, **“Эргээд-МАРШ”** командаар гүйцэтгэнэ. Баруун /зүүн/ тийш эргэх үед, гүйцэтгэх командыг баруун /зүүн/ хөл газарт тавингуут өгнө. Энэ командаар зүүн /баруун/ хөлөө нэг алхаж, зүүн /баруун/ хөлийнхөө өлмий дээр эргэмэгц, баруун /зүүн/ хөлийг урагш тавин алхана.

Эргэхэд гүйцэтгэх командыг баруун хөлийг газарт тавингуут өгнө. Энэ

командаар зүүн хөлөөр бүтэн алхаж, баруун хөлөөр зүүн хөлнөөс ялимгүй зүүн тийш хагас алхаж, зүүн гарыг дагаж хоёр хөлийн өлмий дээр огцом эргэж, зүүн хөлөөс эхлэн хөдөлгөөнийг үргэлжлүүлнэ. Эргэхдээ биеийг цэх байлгаж, эргэх мөчид-хоёр гарыг эгц доош унжуулна.

ЗЭВСЭГ /ХӨГЖМИЙН ЗЭМСЭГ/-ТЭЙ ЖАГСАХ ҮЕИЙН ЖАГСААЛЫН ЗОГСОЛТ, АЖИЛЛАГАА , ХӨДӨЛГӨӨН

Зэвсэгтэй ажиллах үеийн жагсаалын зогсолт

42. Жагсаалын үндсэн зогсолтыг хэвээр хадгалан бууг оосор /хэрэв автомат нь эвхдэг мөрлөгчтэй бол амыг доош харуулна/-т авч /Зураг 5/ зогсоно.

Энхийг дэмжих ажиллагааны дадлага, сургууль хийх, түүнд оролцох үед бууны амыг доош харуулан зогсоно.

Гар пулемёт, ротын пулемётыг хөлийн дэргэд мөрлөгчийн хойт ул баруун хөлийн чигчий хурууны харалдаа байхаар газарт тавьж, гар пулемётыг гол төмрөөс, ротын пулемётыг арьс ангиас барьж зогсоно.

Гранатомётын амыг дээш харуулан “оосорт” авч зогсоно. Карабин /винтов/-ыг гар пулемёттой адил баруун хөлийн дэргэд тавьж, баруун гарыг чөлөөтэй

43. Зэвсэгтэй

үед **“БОЛНО”** командыг зурагт

6-д үзүүлснээр гүйцэтгэнэ. Энэ командаар байран дээрээ зүүн хөлийг мөрний хэмжээтэй салгаж, бууг “цээжинд” байхад баруун гараар бууны мөрлөгчийн шилнээс атгаж, зүүн гараа буулгана, Буу **“ООСОРТ”** үед зүүн гараа буулгана, Харин сэлэм зүүн талд байгаа үед чөлөөтэй гараа ташаанд авч, зэвсэггүй зогсолттой адилаар биеийг эгцлэн зогсоно.

Цэргийн хөгжимчид хөгжмийн зэмсэгтэй үед
командыг Цэргийн хөгжмийн

“БОЛНО”
албаны



дүрэмд заагдсанаар гүйцэтгэнэ.

/Үлээвэр хөгжмийн зэмсгүүдийг баруун гарт даралтын механизмыг гадагш харуулсан байдлаар барина/.

Зураг 5. Зэвсэгтэй жагсаалын
үндсэн зогсолт (Ар талаас)

унжуулан гол төмөр, хийн яндангаас барина. /хавсралт 10/

БАЙРАН ДЭЭР ЗЭВСЭГТЭЙГЭЭР ГҮЙЦЭТГЭХ АЖИЛЛАГАА

Зэвсэгтэй ажиллах жагсаалын ажиллагаа, хөдөлгөөний өмнө буу зэвсгийн байдал, сумлагдсан эсэхийг шалган, гал хамгаалагч дээр тавьж, хутган жадыг салгасан /нугалсан/ байх шаардлагатай.

44. Автоматыг “Оосорт” байдлаас “Цээжинд” авахдаа үндсэн зогсолтод шилжиж, “Автомат-ЦЭЭЖИНД” командаар гурван хуваариар гүйцэтгэнэ:



Зураг 6. Зэвсэгтэй үед хөл салгаж зогсох байдал

44.1. баруун гарыг оосор дагуулан бага зэрэг дээшлүүлэн атгаж, автоматыг мөрнөөс мултлан урдаа авмагц, зүүн гараар онгоц модноос барьж, гол төмрийн амыг эрүүний харалдаа байхаар өмнөө барина /Зураг 7 “а”/.

44.2. баруун гараар оосрыг баруун тийш татаж, автоматын амыг зүүн мөрний чигт хазайлган тохойг оосорт углана /Зураг 7 “б”/.

44.3. оосрыг толгой дээгүүр давуулан баруун гараар мөрлөгчийн шилнээс атгаж, зүүн гарыг буулгана /Зураг 7 “в”/.



а.

б.

в.

Зураг 7.
Авматыг “Оосорт”
байдлаас
“Цээжинд”
авах ажиллагаа



Зураг 8.Автоматыг “Цээжинд” байдлаас “Оосорт” авах ажиллагаа

Эвхдэг мөрлөгчтэй автоматыг **“Оосорт”** байдлаас **“Цээжинд”** авахдаа жагсаалын үндсэн зогсолтод шилжиж мөн командаар хоёр хуваартай гүйцэтгэнэ:

44.4. баруун гарын тохойг оосроос мултлахгүйгээр баруун гараар автоматыг мөрнөөс авч зүүн гараар гол төмрийн нуруувч, онгоц модны дороос атган магазиныг доош, амыг зүүн тийш харуулан өмнөө барина

44.5. баруун гараар оосрыг толгой дээгүүр давуулан зүүн мөрөнд углан баруун гараар гол төмрийн хайрцаг ангиас оосрын дэр дээгүүр барьж, зүүн гарыг түргэн буулгана.

45. Автоматыг **“Цээжинд”** байдлаас **“Оосорт”** авахдаа жагсаалын үндсэн зогсолтод шилжиж, **“Автомат-ООСОРТ”** командаар гурван хуваариар гүйцэтгэнэ:

45.1.зүүн гараар онгоц модноос атгангуут автоматыг биенээс хөндийрүүлэн, баруун гарын тохойг нугалан оосор доогуур оруулан мөрлөгчийн шилнээс атгана /Зураг 8 “а”/.

45.2.автоматыг дээш өргөн, оосрыг толгой дээгүүр давуулан доош буулгаж, гол төмрийн амыг эрүүний харалдаа байхаар өмнөө барина. /Зураг 8 “б”/, /толгой, бие хөдлөхгүй/.

45.3. баруун гараар оосрын дээд хэсгээс барьж, автоматыг хойш хаян баруун мөрөнд үүрч, зүүн гарыг буулгана /Зураг 8 “в”/.

46. Автомат /буу/-ыг **“Оосорт”** байдлаас **“Нуруунд”** авахдаа жагсаалын үндсэн зогсолтод шилжиж **“Автомат-НУРУУНД “Буу-НУРУУНД”**/ командаар хоёр хуваариар гүйцэтгэнэ.

46.1. зүүн гараар баруун мөрнөөс бага зэрэг доогуур бууны оосроос атгамагц баруун гараар мөрлөгчийн доод тал /эвхдэг мөрлөгчтэй автомат, гранатомётыг гол төмөр/-аас барина.

46.2. баруун гараар автомат /буу/-ыг дээш өргөж, зүүн гараар оосрыг толгой

дээгүүр давуулан зүүн мөрөн дээр тавиад, гарыг буулгана. Автоматыг жадгүйгээр **“Нуруунд”** авна.



Зураг 9

Бууг нуруунд
авсан байдал



Зураг 10. Автоматыг “Оосорт” байдлаас гарт авах



а
Зураг 11. а. Автоматыг оосорт тааруулах
б. Буу шалгах

47. Автомат /буу/-ыг “нуруунд” байдлаас “оосорт” авах ажиллагааг “Автомат-ООСОРТ/Буу-ООСОРТ/” командаар жагсаалын үндсэн зогсолтод шилжиж хоёр хуваариар гүйцэтгэнэ.

47.1. зүүн гараар зүүн мөрнөөс бага зэрэг доогуур оосроос барингуут, баруун гараар мөрлөгчийн доод тал /эвхдэг мөрлөгчтэй автомат, гар гранатомётыг гол төмөр/-аас барина.

47.2. баруун гараар бууг өргөж, зүүн гараараа оосрыг толгой дээгүүрээ давуулан, баруун мөрөн дээрээ тавиад баруун гараар оосроос барьж, зүүн гараа буулгана.

48.Автоматыг “Цээжинд” байдлаас “Нуруунд”, “Нуруунд” байдлаас “Цээжинд” авахдаа бууг урьдчилан оосорт авна.

Эвхдэг мөрлөгчтэй автоматыг “Цээжинд” байдлаас “Нуруунд” авахдаа баруун гараар автоматын гол төмрийн амнаас барьж буугаа доош татан эргүүлж нуруунд авна. Гар пулемётыг “Нуруунд” аль болох тохиромжтой байдлаар авна.

49.Бууг “Нуруунд”, “Оосорт”, “Цээжинд” команд өгөхийн өмнө “Гал хамгаалагч дээр-ТАВЬ” командаар бууг урьдчилан гал хамгаалагч дээр нь тавиулна. Хэрэв жадыг салгах, угсрах шаардлага гарвал “Жад-САЛГА / УГСАР/” команд өгнө.

50. “Буу-ХӨЛД” командаар пулемётыг хөлд авах бөгөөд харин автомат, гар гранатомётыг барьсан байдал өөрчлөгдөхгүй.

51.Бууны буруу байрлалыг засуулахын тулд “Буу-ЗАС” команд өгнө. Энэ командаар буугаа засч, “ДУУСГА” командаар жагсаалын үндсэн зогсолтод шилжинэ.

БУУНЫ ООСОР ТААРУУЛАХ /ХӨГЖМИЙН ЗЭМСЭГ/, БУУ ТАВИХ БУЮУ АВАХ, БУУ ШАЛГАХ АЖИЛЛАГАА

52. Зэвсэгтэй ажиллагаа боловсруулахын тулд бууг шалгаж, бууны оосрыг тааруулах, буу тавих, авах дадлагыг эзэмшсэн байна.

Бууны оосор тааруулах, буу тавих ажиллагааг гүйцэтгүүлэхийн тулд автомат, гар гранатомётыг баруун “гарт”, харин гар пулемётыг “**хөлд**” авахуулсан байна.

Автомат, гар гранатомётыг “оосорт” байдлаас баруун “гарт” авахуулахын тулд “**Анхаар-БУУ**” команд өгнө /Зураг 11/. Энэ командаар баруун гараар оосрыг дагуулан бага зэрэг дээгүүр атгаж автоматыг мөрнөөсөө мултлаад, хүхээгийг зүүн тийш харуулан гол төмрийн амыг эрүүний харалдаа байхаар зүүн гараар онгоц мод, оосрыг давхар атгаж, автоматыг өмнөө эгц барингуут, түүнийг баруун гараар зүүн гарын атгасан хэсгээс атгаж хоёр гарыг зэрэг буулгана.

Эвхдэг мөрлөгчтэй автоматтай үед “**Анхаар-БУУ**” командаар баруун гараар оосрыг дагуулан бага зэрэг дээгүүр атгаж автоматыг мөрнөөсөө мултлаад, зүүн гараар түүний онгоц мод оосрыг давхар атгаж, хүхээгийг доош харуулан эрүүний харалдаа өмнөө тэгш барьж, баруун гараар түгжээг мултлан мөрлөгчийг тэнийлгээд, автоматыг баруун гартаа авмагц хоёр гараа буулгана.

53. Бууны оосор суллах, чангалах ажиллагааг гүйцэтгүүлэхийн тулд “**Оосор-ТААРУУЛ**” команд өгнө /Зураг 11/. Энэ командаар баруун тийш хагас эргэнгүүт зүүн хөлөө хавсран зүүн тийш нэг алхаж, урагшаа тонгойнгуут зүүн хөлийн гутлын уланд бууны мөрлөгчийг тулгаж, баруун гарыг тохойгоор нугалан шуун дээр бууны гол төмрийг түшүүлэн тавьж оосроо тааруулна. “**ДУУСГА**” командаар баруун гараар бууны онгоц мод, оосрыг давхар атгаж биеэ эгцлэн зүүн гараа буулгаж, зүүн хөлөө татаж хавсран зүүн тийш хагас эргэнэ.

Бууг “**ООСОРТ**” авахдаа бууны хүхээгийг зүүн тийш харуулан гол төмрийн амыг эрүүний харалдаа байхаар эгц урдаа авчран зүүн гараар баруун гарынхаа доогуур онгоц модноос атгаж, баруун гараар оосрын дээд талаас барингуут бууг хойш хаян баруун мөрөндөө үүрч зүүн гараа буулган, баруун гараа оосрын дагуу бага зэрэг доошлуулан атгаж, жагсаалын үндсэн зогсолтод шилжинэ.

54. Бууг тавиулахын тулд “**Анхаар-БУУ**” командын дараа “**ТАВЬ**” команд өгнө. Энэ командаар бууг мөрлөгчийн хойт ул баруун хөлийн чигчий хуруутай зэрэгцэж байхаар буулгангуут, зүүн хөлөө нэг алхаж, бууг зүүн тийш эргүүлэн замгийг бариулаар нь доош харуулан газарт тавиад, зүүн хөлөө гэдрэг татан хавсарч жагсаалын үндсэн зогсолтод шилжинэ /Зураг 12/. Бууг газарт тавих үед баруун хөлийг нугалалгүй, зүүн гарыг биеэс салгалгүй толгойг өргөж эгц харсан байна.



Зураг 12. Буу тавих байдал

Гар гранатомётыг гол төмрийн бариулаар нь зүүн тийш харуулж, пулемётыг хөлөөр нь тус тус газарт тавина.

Хөгжмийн зэмсэг тавиулахын тулд “Анхаар-хөгжим” командын дараа **“ТАВЬ”** команд өгнө. Энэ командаар хөгжмийн зэмсгийг баруун хөлний харалдаа буулган, зүүн хөлөө нэг алхаж, хөгжмийн зэмсгийн даруулуудыг зөв байрлуулан тавиад, зүүн хөлийг гэдрэг татан хавсарч жагсаалын үндсэн зогсолтод шилжинэ.

55. Бууг авахуулахын тулд **“БУУНДАА”**, дараа нь **“Буу-АВ”** команд өгнө. **“БУУНДАА”** командаар цэргийн алба хаагчид бууныхаа дэргэд байраа түргэн эзэлж “Номхон” зогсоно. **“Буу-АВ”** командаар зүүн хөлөө нэг алхан бөхийж баруун гараар бууг авч биеэ эгцлэн зүүн хөлөө хойш татан хавсран /пулемётын хөлийг эвхэнэ/, бууг “Оосорт” авч жагсаалын үндсэн зогсолтод шилжинэ.

- **“Буу-ШАЛГА”** командаар баруун тийш хагас эргэж, зүүн хөлийг зүүн тийш хагас алхаж, баруун гарыг тохойгоор нугалан бууны мөрлөгчийг баруун суганд хавчуулан, гол төмрийг 45 хэмийн өнцгөөр барьж, хүхээг салган, онгоц модтой хавсран барьж, баруун гараар замгийг татаж, бууны гохыг дарж шалгана. /зураг 11 “б”/.

ЗЭВСЭГТЭЙГЭЭР ГҮЙЦЭТГЭХ ЭРГЭЛТ, ХӨДӨЛГӨӨН

56.Зэвсэгтэйгээр гүйцэтгэх эргэлт хөдөлгөөнийг зэвсэггүй гүйцэтгэх ажиллагаатай нэгэн адил команд, журмаар гүйцэтгэнэ.

57. **Буу “Хөлд”** байгаа үед байран дээр эргэхдээ анхааруулах командаар бууг бага зэрэг өргөн, жад /бууны ам/-ыг бие рүүгээ ойртуулан буу барьсан баруун гараар ташаагаа дарна. Эргэнгүүт хөлөө хавсран бууг газарт зөөлөн буулгана.

58. **Буу “Хөлд”** байгаа үед “Алхаад” командаар бууг бага зэрэг өргөнө. Харин “Гүйгээд” командаар түүнээс гадна зүүн гарыг тохойгоороо хагас нугална. Гүйж байгаа үед баруун гараа бага зэрэг нугалан буугаа барьж явна.

59.**Бууг “Хөлд”, “Мөрөнд”, “Оосорт”** болон **“Цээжинд”** байдалд авч явахад зүүн гарыг, харин бууг **“Нуруунд”** авч явахад хоёр гарыг хаялж алхана.